

定邊縣志

知縣黃 沛豐亭鑒定

縣丞江廷球惕齋檢校
典史宋 謙吉甫增輯

地理志卷一

前令戴元夔論曰普天之下莫非王土定邑自我

朝定鼎卽列版圖何延榆綏舊志略而不載耶豈唐宋沒於西夏
勝朝又多兵火自古無傳之者耶夫漢時河內地皆爲郡縣此亦
屬上郡地何不按籍稽耶蓋邊地既遠今古異名疆場多故文獻
無徵亦有難者余卽身所經歷及故老傳聞聊記一二欲求詳備
定邊縣志 卷一 地理志 分野
難矣

分野

延安郡禹貢雍州之域天文井鬼分野

按漢書地理志云自井十
度至柳三度爲鶉首於辰

在末爲延之分野 天之
一度爲地一千九百餘里

春秋白翟所居秦上郡地漢曰程國後

魏曰東夏州西魏曰延州隋唐曰延安郡宋改延安府由明迄

大清爲延安府定邊隸焉

寰宇記云北方水位自河曲黃甫川西經榆林至寧夏鎮又西

經蘭州踰河至嘉峪關四千餘里得水位之半

郡志云凡星野之說可用於統部通志而不可用於州縣之志

蓋謹人事而應天象理所宜然至於葭爾一隅未知當於天度
幾許而修志者輒引周漢國都強相附會非其質矣然沿習已
久去之或訝衆目故附載於此

疆域

定邑東界靖邊縣二道塘西界甘肅花馬池郭家庄南界甘肅環
縣走馬城北界邊牆西南界甘肅靈州及環縣東南界保安縣金
湯鎮東北西北皆邊牆東西廣一百八十五里南北廣二百九十
里

縣冊東界靖邊縣一百六十里西界甘肅靈州花馬池二十五里
定邊縣志卷一 地理志 疆域 二

南界甘肅環縣二百九十里東南界甘肅安化縣二百七十里北
界邊牆一里共分十八塘路

郡志定邊東至寧塞堡靖邊縣界一百六十里西至花馬池寧夏
靈州界四十里南至鐵鞭城環縣界二百六十里北至邊牆一里
東南至吳旗營靖邊縣界一百七十里西南至五個掌兒環縣界
二百六十里東北至大邊一里西北至大邊一里東至府五百五
十五里至西安布政司一千三百六十里

東至靖邊縣治二百三十里西至靈州治三百六十里西北至寧
夏府治三百六十里東南至慶陽府治五百四十里

形勝

東接榆延西通甘涼南隣環慶北枕沙漠諸山拱於南村庄碁布龍沙繞於北廬帳星羅

聖天子德威遠播旃裘左衽莫不來王

仁皇帝鑿轅時巡瀚海流沙盡歸郵傳地則中外和耕市則葵夏交易斯又一統無外之盛亘古所未有也

定邊秦漢時北上郡地後魏大興郡西魏改五原郡兼西安州以近鹽改鹽州隋初廢場帝置鹽川郡唐初爲梁師都所據武德元年收復鹽州設都督府貞元二年沒吐蕃九年復城之領縣二曰

定邊縣

志

卷一

地理志

形勝

三

五原白池宋咸平中陷於夏明置定邊營東四十里磚井堡又東五十里安邊營皆爲宋鹽州地又南六十里新安邊營爲宋夏州深河兒地東南四十里柳樹澗堡爲宋夏州地定邊城西二十里鹽場堡又南一百里石澇寨爲宋鹽州地東南六十里三山堡爲宋鹽州三山兒地西南一百里新興堡及饒陽水堡皆宋夏州地皇清因之而裁新安邊三山石澇新興饒陽水五堡併歸定邊營修築諸城堡雉堞崇隆規模宏遠誠足以鎮沙漠而懾西戎也蓋自明余子俊築爲邊牆自黃甫川稍折而南自東至西又稍折而北乃至寧夏定邊各堡當東南一隅雄鎮套口尤爲扼要

延綏鎮志鎮西隣寧夏與花馬池接壤者定邊之鹽場堡也定邊轉而東磚井各堡皆依山臨塹倚險可守

山川 古蹟

南梁山在磚井城南三十五里周圍三十五里

郡志縣城東南六十里有冢嶺一名南梁山舊志在磚井堡南俗呼南梁山有洛水出焉

按洛豫州沒出冢嶺山其山在南州此特因洛水所出俗亦有其名耳

北極山在磚井城東南五十里周圍二十里

延綏舊志北極山與冢嶺相對一峯巋然望之若虬龍奮迅而

上郡志北極山九十里有黃羊嶺在磚井堡南爲要地稍西有

定邊縣志

卷一

地理志 山川古蹟

四

鐫天嶺一百三十里有白雲山又東有桃林山又東有亂石山

又南十里爲紅蘆山

鷹窩山在縣城東南八十里周圍二十里上有古樹有古戰場爲

宋范文正公遺蹟

羊圈山在縣城西南八十里周圍二十里最爲高峻上有舊墩與

靖邊縣之鎮靖堡榆延墩對峙宋時邊警烽火相望

將軍山在縣城南二百五十里鐵鞭城川北相傳邑之高將軍墓

此山

桃花山在安邊堡東南一百里周圍二十里

吳党山在柳樹澗堡西南一百里周圍三十里
烏龍山在鹽場堡南一百七十里周圍二十里
尖山在鹽場堡西南一百六十里周圍十五里
張家山在鹽場堡南二百二十五里周圍二十里
乾溝山在縣城南一百二十里鐵柱泉出焉夏雨驟至諸山之水
會集於此挾土北流適當縣城土田藉以灌溉卽成沃壤而民廬
城郭亦恐遭漂沒則隄防爲要也

嘉慶七年七月大雨乾溝水發湧溢縣城街衢深至三五尺城
垣廬舍致有傾壞查乾溝距縣城南二十里上接甘肅慶陽一

定邊縣志

卷一

地理志

山脈

古蹟

五

帶通衢約長八九十里兩面皆山舞於夏秋之間雨連水漲衆
山之水悉匯茲口而出因近口灘地歷年水漫泥積盡成膏腴
歲收倍於他處居民復慮水大有傷禾稼迎口接築東西兩牆
廻繞二十餘里中留水道南山地勢較高是以每遇暴漲直走
縣城履勘兩牆對立形如街巷中間水道與溝渠相類牆外阡
陌相連蔗穀青葱居然沃壤循牆掘口詳看情形口之下注牆
之上游尚有東西兩灘皆可爲受水之地若設法引水從兩岸
出既不致北灌城垣又不致下灌兩牆以外之田禾誠爲兩全
無弊但決東牆而水東注由鄭家圈出邊牆外計長不逾十里

似於縣城風水不宜惟毀西墻引水西北出經由王來家灘及小巨家灘一帶沙窩總廟兒塘韓家樓抵七墩灘出邊墻計長五六十里外曠野下隰之區毫無妨碍亦爲受水之地須於日下迎築引水墻垣於城垣農地均有裨益復集紳耆鄉約諮訪衆論欣然第念民情何常惟利是圖難保歷久不萌故志幸經前署知縣鄭永江稟明道府批准接署知縣誠安遵辦在案

洛河在縣城東南一百二十里自琉璃廟發源係黃水流入保安縣界傳云卽洛之源然考水經注云出譙縣之山又云自鹿蹄山至元扈山通與譙舉爲九山明一統志謂安化東北之山洛水出

定邊縣志

卷一

地理志

山川

古蹟

六

疑卽此

郡志洛水出定邊縣西南山海經孟山西二百五十里曰白於之山洛水出於其陽西南流注於渭周禮雍州其浸渭洛淮南子曰洛出獵山按地形志富平有彭獵山卽淮南之山也說文洛水出左馮翊歸德北夷中東南入渭元和郡縣志洛源縣自於山在縣北三里太平寰宇記洛懽縣自於山在縣北三十里今水出縣西南琉璃廟石縫中廟西北有白露山疑卽白於山也志家多以白於山爲在甘肅合水以出安化之洛水爲正原按樂史言廢洛源縣在慶州北二百七十里又曰華池縣在州

東一百五十里本漢歸德縣之地卽格源也今處陽府清宋慶
州治自府東北一百二十里已入定邊縣界廢洛源縣又在其
北李吉甫說白於山又在洛源縣北三里其山在定邊無疑洛
水出此南入保安縣界靖邊縣界又南逕安塞縣西又南入甘
泉縣界又南歷鄜州洛川中部宜君耀州白水縣同州府澄城
朝邑諸縣境入河

今考洛河俗名白鷹河在縣城東南一百二十里琉璃廟水
卽此河按此則郡志洛水出定邊縣西兩疑西字誤又琉璃
自於山於字與白鷹河鷹字或亦語音傳訛 朝下游尚有東派水自安邊東屯孫克家壩發流出西派水

定邊縣志 卷一 地理志 山川 古蹟 七

自磚井西路大河畔流出俱係黃水會合白鷹河經新安邊
張千戶岔流入保安縣界

石澇河 今考卽俗謂頁河是也 在縣城正南九十里清水自頁濠發源經鐵
鞭城流入張千戶岔

三山堡河在縣城西南一百二十里河西爲甘肅靈州後衛地陝
甘兩省以河分界係清水至高家灣子與石子兒河水合流入宏
德城環縣界

石子兒河在縣城西南一百二十里自三山堡發源係清水經高
家灣子五個掌兒赫城子流入宏德城環縣界

把都河在安邊堡東南五十五里自崔家集發源係黃水流入寧塞堡靖邊縣界

神水在縣城西南九十里三山塘高家小灣係乾乾磅一道平時無水冬至七九八九後水出流旺徵歲收豐稔潮濕水少徵歲收歉薄又水出早驗霜降旱水出遲驗霜降遲相傳久遠土人屆時探視歷歷徵驗隣邑咸知之因名神水嘉慶十三年鄉民高進潮宋魁倡募捐資建立河神廟三間禱房二間大門一間前養樓一座今每歲正月二十三日集祀

鹽池在鹽場堡北城外曰花馬大池

尚有五池詳說鹽法

定邊縣志

卷一

地理志

山川

古蹟

八

郡志縣城西北有鹽池唐書地理志尚有胡落鹽池按長澤縣今屬靖邊界延綏鎮志原屬寧夏衛嘉靖九年總制王瓊改屬本衛池周圍三里許中有井引水澆畦一久視之若積雪此九種之一也又其東尚有澇池鹽池鹽池水鹹不可飲澇池水可飲堡人汲者便之又二池之西為寧夏境按食貨志池周圍十六里許按地理通釋漢於上郡龜茲縣置鹽官卽此

海子卽海眼在鹽池南

鐵柱泉在鹽場堡南

馬泉在縣城南沙地今淤

牛毛湖在縣城東邊外本沙地春日水從沙中出生牛毛草遂成湖灘至冬涸

忻都古城在安邊堡北套地漢時築城用兵後爲赫連氏統萬城鹽州古城在縣之東南隋唐時築遺址尚存又縣之西北西南有大土墩二曰戰臺亦昔時築

牛營城在縣城南二十里近倉吉灣

鐵鞭城在縣城南二百四十里川東宋時築

新寨兒在鐵鞭城川東山頂上

卧牛城在縣城南一百二十里城設川東山頂

定邊縣志 卷一 地理志 山川 古蹟 九

半角城在縣城南一百里川東倚山築城山城各居其半故名半角

琵琶城在縣城南二百三十里川東

張家城在縣城南二百二十里琵琶城東城設山頂

手抱城在縣城南二百一十里張家城北城設山頂

黃花城在縣城東南二百里手抱城東北城設山頂

暮雨城俗名牧驢城在縣城南一百二十里城設川西河灣與縣

牛城對峙

倉家城在暮雨城南數里川西今廢

鐵角城俗名跌脚城在縣城正南二百四十里川西宋時築西具
林肅環縣走馬城

由百戶城在縣城南二百四十里川西具城以城鐵鞭城元
鼎足之勢故老相傳宋時有胡女姊妹三人分據各城其地
正公韓魏公平之

關達城在縣城西南二百二十里田百戶城西

石家城在縣城西南二百二十里關達城西

木瓜城在縣城西南二百五十里

黃城在縣城西南九十里近三山塘高家崩

定邊縣志 卷一 地理志 山川 古蹟 十

神堂寨在安邊堡西 歸德寨在安邊堡南 雞舌寨在安邊堡

西 竹勒寨在縣城西 土寨在縣城西北 以上五寨並見武
備志疑皆宋時築

馬廠在張千戶岔河東宋時胡人韓昌圍馬於此圍墻尚存今

屬靖邊縣轄

通衢橋在縣屬紅柳溝之西界甘肅靈州屬二道溝之東界係陝

甘通衢行人繹絡為要道焉此橋建造代年無可稽考乾隆五十

三年武生郭玳倡捐修造有碑記二嘉慶十六年玳子生員郭崇

復倡捐重修

風俗

通志云人勤稼穡俗尚鬼神不事侈靡頗習法程

舊志云尚氣概先勇力

圖經云修習戰脩高尚氣力以射獵爲先名將多出

隋書云人性躁勁風習果決尚淳質好儉約喪祭冠婚畧近於禮

又曰近邊尚剛武

氣候論曰寒早而暑遲三月而冰未泮四月而草始萌麥成在夏至之後霜降或仲秋之期盛暑不廢羔裘嚴寒必資土室延南如中宜極邊如榆塞相去千里寒暑先後卽相懸絕亦足以知邊民之苦矣

定邊縣志

卷一

地理志 風俗

十一

歲時

定邑惟以元旦長至爲重餘如常

正月元旦前門貼春聯門神是日皆早起以黃表香燭敬事神及祖禰並附近廟宇恭拜父母尊長放紙炮以代爆竹黎明閭里交相拜賀至十五日街市遍張燈燭紙炮戲樂

二月朔三日文昌廟鵠神廟有獻羊以祭者諺云開廟門

三月清明至期士女出外墓祭有於墓前飲食者

五月五日飲雄黃酒戴艾食米棗角黍十三日皆敬事

關帝獻牲

八月十五日家皆以餅瓜菓菜香拜月亦有以餅瓜菓菜進者
九月九日有食糕者

十月初一日曰寒衣節至晚皆用紙捲紙錢焚於門外以送祖先
亡者

十一月冬至節交相拜賀有以酒羹待客者至晚於門外焚紙錢
祀祖先謂云冬黃骨年半夜

十二月八日用米豆棗糜作粥亦有加肉於內者曰臘八粥二十
三日之夜皆以糖祀灶神有用雞者除夕之前皆出外以紙錢祭

定邊縣志

地理志 歲時

十二

墓然一火堆至夕皆焚拜賀曰辭歲有終夜設席備酒不眠者曰
守歲

立春日縣署鞭牛畢爭搶春牛土及牛身席片木頭攜回攔護
農社口槽上謂之口終年不起病

郡志云乾隆二十五年正月地震沉睡者不知土人相慶曰歲轉
豐矣先是歲屢歉是年後俱有收足邑俗傳亦如是遠無可稽近
自嘉慶十四年後起連年歉收至十九年八月地震後亦如是
十年九月復地震次年豐收可見地氣時之驗也

定邊縣志

建置志卷二

前令戴元藻論曰人亦有言區區延疆地大而荒一邑可分數邑民貧而少數邑可併一邑今定邑轄五城延袤三百里明時承宋元殘破之餘置爲衛所

國初重熙累洽邊境又安建縣以來命重臣鎮之復使司牧之使師教之制度森然規模宏遠豈惟蒼生之福抑亦我

國家萬世無疆之休凡生此土而守此土者當思何幸享奠安之樂以敦禮讓而綢繆陰雨則金湯萬年也

定邊縣志

卷二

建置志

設縣

設縣

定邊設縣於雍正九年宋元符初築定邊城在慶陽府北三百里後爲定邊軍此定邊所由名也縣在有明及

國初皆爲衛所總十城堡而屬於靖邊同知定城設有守禦所于總

世宗朝改爲縣丞又於安邊設州同

後

雍正九年設邊方郡縣榆

林改衛爲府設榆林懷遠定邊靖邊四縣屬之定邊之改縣從此始十年冬始設有訓導乾隆初年因鹽政辦銷復將定靖二縣屬延安府而武職兵馬仍屬榆林鎮

城垣

定邊營城明正統二年建嘉靖中遊擊梁震設關城萬歷元年展西關三年四年增修六年磚砌乾隆十二年知縣石崇先重修周圍凡六里一百七十五步樓舖二十八座牌牆堞口邊垣長二十里墩臺三十六座中門曰雄封東門曰東定鎮安西門曰永定寧遠南門曰南定金湯東城上有大鐘成化十三年鑄起更止更鳴之

碑并登城門正統二年巡撫郭某建萬歷六年增高磚砌乾隆三十一年知縣徐觀海重修周圍凡三里二百五十步樓舖一十二座牌牆堞口邊垣長一十七里墩臺二十二座東曰靖東門西曰寧西門南曰安南門

定邊縣志

卷二

建置志

城垣

二

延綏鎮志按磚井堡東至舊安邊堡五十里西至定邊營四十里南至新興堡一百里北至大邊一里堡係宋鹽州地舊新興有古井以磚甃者故名城設在平川係極衝上地

舊安邊堡城明正統二年巡撫郭某建隆慶六年增高萬歷六年磚砌乾隆二十年知縣王錚重修周圍凡四里三分樓舖二十座牌牆堞口邊垣長三十三里二十三步墩臺五十一座東門西門南門

延綏鎮志按舊安邊堡東至柳樹澗堡四十里西至磚井堡五十里南至新安邊堡六十里北至大邊一里堡係宋鹽州地復爲深井成化十一年改置新安邊營成化末以定邊孤懸復守今堡城設在平川縣極衝中地

新安邊營城明成化十一年巡撫余子俊建隆慶六年加高周圍凡四里三十五步樓舖一十四座牌牆垛口邊垣長一十二里墩臺一十七座今裁

延綏鎮志按新安邊營東至永濟堡三十里西至新興堡七十里南至廣陽府五百里北至舊安邊堡六十里堡係宋夏州深

定邊縣志

卷二

建置志

城垣

三

河隄地中山坡余子俊置今營撤舊安邊堡兵守之城設在山地極衝中地

柳樹澗堡城明嘉靖三十七年巡撫董威建隆慶六年增高萬歷六年磚砌周圍凡三里七分樓舖一十八座牌牆垛口邊垣長三十三里二百三十步墩臺四十八座東門西門

延綏鎮志按柳樹澗堡明始設堡成化九年余子俊奏守永濟堡嘉靖三十七年復移守於此東至寧塞營四十里西至舊安邊堡四十里南至永濟堡三十里北至大邊一里堡係宋夏州地古有柳樹澗故名城設在山上係極衝中地

鹽場堡城明成化十三年巡撫余子俊建宏治四年巡撫劉忠增修萬歷三年加高乾隆三十四年知縣徐觀海重修周圍凡二里三分樓舖九座牌牆堞口邊垣長八里墩臺八座東門南門

延綏鎮志按鹽場堡東至定邊營二十里西至花馬池界二十里北至大邊五十里城設在平川係極衝中地

石灣池堡城明成化十一年巡撫余子俊建萬歷三年加高周圍

凡三里一百八十四步樓舖三座牌牆堞口邊垣長九里一百七十四步墩臺一十四座 今裁

三山堡城明成化九年巡撫余子俊建周圍凡二里二百四十步

樓舖三座牌牆堞口邊垣長五里墩臺八座 今裁

新興堡城明有東西海螺二城成化十一年巡撫余子俊始改東

海螺築今堡隆慶六年增修萬歷六年加高周圍凡一里一百四十六步樓舖八座牌牆堞口邊垣長七里墩臺十一座 今裁

饒陽水堡城明成化十三年巡撫余子俊建萬歷二年重修周圍

凡二里三十步樓舖八座 今裁

公廨 原題衙署今作公廨以申明亭養濟院及諸公所附焉

定邊城

縣署在東門內中軍署東雍正九年發帑知縣佟鉅興建乾隆三

十九年知縣韓修鳳增修凡大堂三楹二堂三楹內宅二層大門儀門廡房更房六房俱備共五十一間二堂東隅榆蔭軒三楹前卽土地祠也祠宇三楹雍正九年建嘉慶十八年知縣胡國棠與史宋謙捐俸暨士庶捐資重修增建捲棚樂樓祠東旁廡房一間爲管祠住所

縣獄在縣署大門內西雍正九年建乾隆四十年知縣韓修鳳重修內獄神廟三間男監三間女監一間更房一間夾道一間頭門左右禁卒頭厦房各一間

典史署在縣署大堂西隅雍正九年建凡大門儀門大堂三楹二定邊縣志卷二 建置志 公廨 五

堂三楹內宅及書房東西廡房書役房共二十四間乾隆三十四年知縣徐觀海典史胡貽安重修嘉慶二十年及二十一年典史

宋謙捐俸重修增建內宅東屋三間置買楊姓地圈爲後院

二堂東室

宋謙自題思位額跋云此易艮卦象辭也蓋言君子止其所止止其所當止用以自省

學署在南街文廟西偏雍正十二年發帑建乾隆二十二年邑紳士捐資增建博文約禮二齋庠門嘉慶十九年署知縣范掄策重修明倫堂

按昔年十營堡共爲一學屬靖邊訓導雍正九年分縣定邊始設訓導歲科試入學八名廩增生額各二十名雍正十年與榆